


MBESE IBI URABYZEYE?

 Kandi mbere yuko dusenga, ndashaka kuvuga ibi, nimugoroba washize, ndizera ko ari byo, nabwiye umudamu, “Iyo tugomba gukora uko tubisabwa, ibyo byashoboraga... umwana ufite amazi mu mutwe, yashoboraga gukamuka.” Umutwe w’umwana warabyimbutse, ku rugero rwa kimwe cya kabiri, mw’ijoro rishize. None uwo mudamu ubu yamuzanye hano.

² None, icyanteye kubikora, mushiki wanjye, ni kubw’intego runaka. Urabona? Iyo ubonye ikintu runaka gifatika kibaye, ibyo bituma ukwizera kwawe kuzamuka ugakomeza ukakizera. Rimwe na rimwe ndabikora gusa kugirango, wenda, nko gusaba umuntu guhaguruka, agatera intambwe imwe cyangwa ebyiri, zamura ikiganza, tera urutoki, ikintu gusa bashobora gukora gitandukanye, kureka gusa bakareba ko byose bitunganye. Gusa bararakara bagatekereza ko bitari bube, ariko buri gihe biraba. Urabona? Bigomba kuba.

³ Ubu, ni bangahe bifuza ko tubibuka mw’isengesho? Mushobora kuzamura ibiganza byanyu mukavuga muti: “Mwami, biduhe”? Mureke twunamishe imitwe yacu.

⁴ Mwami, mu gihe twumva indirimbo y’itorero ol’, yanditswe n’inshuti ikomeye, Paul Rader, “Izere Gusa,” ubu turimo gutekereza umuhungu muto, wazanywe n’ababyeyi be ku ntumwa, iminsi itarenze cumi n’itanu Yesu abahaye imbaraga zo kwirukana amadayimoni no gukiza abarwayi, nuko hano bahura n’umuntu urwaye igicuri. Nuko babona Uwitwaga amanuka. Maze ise aza yiruka aravuga ati: “Mwami, tugirire ubuntu. Umuhungu wanjye yazahajwe n’idayimoni. Namuzaniye intumwa Zawe ntizabasha kumukiza.”

⁵ Yesu aravuga ati: “Izere gusa. Izere gusa.” Yoo, Mana, kuva ubwo ntiwigeze uhinduka: uracyari wawundi ukunda, uryoshye kandi Imana y’inyampuhwe. Uko Wari uri icyo gihe, ni ko Uri uyu muni. Kandi Mwami, nka Data, twese turagutakira tuti: “Mwami, dufashe mu kutizera kwacu.” Biroroshye cyane; twarahuzaguritse, Data.

⁶ Turashaka kugutura amashimwe n’icyubahiro kubwo gukora kuri ruriya ruhinja rw’umuhungu mw’ijoro rishize, kubona ako gahanga, kabyimbye, ni uko bimeze, amagufa yari yasohotse, ariko yari yasubiyeyo ku kigero cya kimwe cya kabiri ijoro rishize. Ibyo turabigushimira, Data. Iyo tuzi ko abaganga bacu b’inzobere ntacyo babonye mu bushakashatsi bwabo, nta kintu bashobora kubikoraho; ariko Imana iracyariho, Umugenga w’ibihe byose. Turagushima, Data. Turagushimira kubw’ubudahemuka bw’uwo mudamu, no kuryoshya, no

kumvira kugarura umugozi kukabishyira kuri uru rupapuro, hano, kwereka abantu ubuhamya bwe ku bw'icyubahiro cy'Imana. Reka umwana we muto abeho kandi abe umwana muzima, ku bw'icyubahiro Cyawe.

⁷ Reba ibyo biganza byose byazamuwe, Data. Buri kiganza gifite icyifuzo. icyanjye nacyo nakizamuye, Data, Mfite icyifuzo. Kandi hano hari benshi, mw'ishusho ry'inzandiko cyangwa mu gasanduka, ibyo ni ibyifuzo, abantu mu by'ukuri bafite ibyo bakeneye. Reka baze batambuke, Mwami, buri wese aze kubona ibyo yasabye muri iri joro. Babashe kwakira ubuhamya bw'uyu mubyeyi nk'urugero gusa kugirango werekane ko iyo Uvuze ikintu, kirasohora. Ni... Wowe... icyo tugomba gukora ni ukucyakira ukakigenderaho. Uba ari umurimo urangiye.

⁸ Biduhe, Mwami, ku buryo buri rwose muri izi nyandiko n'ibi bitambaro, abantu babirambitse hano, reka bakire uburwayi. Buri wese yazamuye ikiganza, Data, bashobore kubona icyo umutima wabo wifuzaga. Turabisabye, mw'izina rya Yesu. Amina. Mushobora kwicara.

⁹ Nashakaga gusa kubereka ko uyu mugenzi, umugore (urahari. Ye-go)... uri ku mutwe w'uyu mwana w'umuhungu muto ugabanuka nk'uko Umwami yabitwijeje binyuze mu Mwuka Wera ijoro rishize. Ese ntibihubwe? Rero, duhe imbaraga nyinshi tugire ukwizera n'ibyiringiro.

¹⁰ Noneho, igihe Yesu Kristo yabwiraga cya giti, muri Mariko 11:23, "Guhera ubu, nta muntu uzongera kukuryaho," Ntazirirwa avuza induru. Kubera iki, mu by'ukuri, Yari atuje ku byerekeye ibyo, kugeza ubwo abigishwa Be gusa... Ntekereza ko umwe muri bo yamwumvise. Kandi cya... Igihe umuntu urwaye igicuri, iyo kigeze imbere y'Umwami Yesu, umuhungu byaramugoye kwigarura kusha ibindi bihe byose. wenda, yituye hasi amera nk'upfuye, ariko yisanze yahuye n'Umuntu Wari ufite ukwizera kuruta ukw'intumwa.

¹¹ Noneho, nifuzaga ko umuntu utizeraga ugukiza indwara kwa Kimana kwitegereza ibi. Yesu yaari yarabahaye imbaraga zo kwirukana imyuka mibi, ariko baraneshejwe. Ntbwo ari Imbaraga zaneshejwe, ahubwo ni bo baraneshejwe. Yesu yarababwiye ati:

"Kubera iki tutabasha kuyirukana?"

Aravuga ati: "Kubera ukutizera kwanyu."

¹² Itorero riracyafite imbaraga. Imana ntiyigeze ivana imbaraga Zayo mw'itorero, ariko itorero ntirifite ukwizera guhagije ko kuzikoresha. Ni uko bimeze. Gusa biroroshye. Rimwe na rimwe tugerageza kubikomeza, ariko uko mugenda mworoshya iby'Imana, ni ko mugenda murushaho kugira ukuri, gusa iyo mubifashe mu by'ukuri nk'ibyoroshye: Imana ni ko yavuze; mubifate gutyo; ni ibyo. Nuko mubyizere gusa, mukomeze.

13 Igihe Yesu yavugaga ati: “Nta muntu warya ku byeze kuri wowe,” kubera iki, amababi yari meza arabagirana nk’uko yahoze. Igishishwa cyasaga nk’uko gisanzwe, ariko kumanuka muni y’ubutaka muri iyo mizi, ubuzima butangira kugabanuka.

14 Ni kuri kanseri, ku ndwara iyo ari yo yose—ushobora gutekereza. Iyo ushoboye kwemera Ijambo ry’Imana, umanutse hasi mu mizi, hashobora kuba harimo kanseri; ikiganza cyawe gishobora kuba cyarafashwe. Ibyo ntaho bihuriye no gukira uburwayi bya Kimana. Ni, “Niba wizeye.” Urabona? Ahantu runaka, yatangiye gukora.

15 Yesu yaravuze ati: “Nubwira uyu musozi, ‘Va aha,’ ntugashidikanye mu mutima, ahubwo wizere ko ibyo wavuze bizasohora, ushobora kubona ibyo wasabye.” Si ko bimeze mukundwa? Ni inde aturutse he? Umwana w’Imana, Amagambo Ye... Ijuru n’isi bizashira, ariko ubu... ariko Amagambo Ye ntazashira.

16 Noneho, inzira yonyine ushobora kubikoramo, ugomba kugira intego nziza n’impamvu nziza. Noneho, niba nje hano nkavuga nti: “Nzakwereka ko nshobora kwimura uyu musozi, ‘Imuka, wa musozi we.’” Ntabwo uzigera wimuka. Rwose si byo. icyo nari mfite cyose. Bigomba kuba... Ubwa mbere ugomba kubona ubushake bw’Imana.

17 Ni yo mpamvu, buri gihe ku murongo w’amasengesho, Njye—Mpura n’ibikomeye cyane, ni ukubera ko ari ikintu cyanyuze ku murongo n’ibindi, kandi ni ho ubisurizayo. Ariko reba, niba ufite icyaha utaratura... Wigeze ubona ikibazo, mbere yuko nsaba umwuka wa dayimoni kugenda? Ndeba icyo kibazo nkamenya by’ukuri ko nta kintu kiri muri ubwo buzima cyabangamira ikintu icyo ari cyo cyose, reba, kuko wibuke, kuri izi mpano, ushobora guhuriramo n’ibibazo.

18 Imana, muribuka igihe kimwe, yahaye umuhanuzi... yakoze umuhanuzi mu muntu, Mose, nuko iramubwira ngo namanuke, avugane n’urutare. Maze umuhanuzi arishima cyane, maze arasohoka, akubita urutare, avuga intege nke za Kristo, ko Yagomba gupfa bwa kabiri cyangwa gukubitwa ubwa kabiri. Yari afite imbaraga zo kubizana, ariko ntabwo byari ubushake bw’Imana.

19 Sinigeze nshobora kwizera ko bwari ubushake bw’Imana kuri Elisha kuzenguruka, bitume abana bamusebya ku byerekeye umusatsi, sinkeka ko yari akwiye kubikora. Ariko yari umuhanuzi, yaarakaye, maze ashyira umuvumo kuri abo bana Nuko amadubu abiri yica abana mirongo-ine b’inzirakarengane. Urabona? Ariko sinizera ko yari akwiye kubikora. Kandi ni—gusa... twe... .

20 Mana, ndizera uyu muni, mbere yuko Ashyira itorerero Rye ku butegetsi, Agerageza itorerero Rye ngo arebe icyo rizakora.

²¹ Twebwe... ubutaha, birashoboka, niba Umwami abishaka ningaruka, tuzabona umwanya wo kwibanda ku bintu nk'ibyo, ku kintu gituma bibaho, hanyuma icyo gihe tuzamenya byinshi ku kubyerekeranye na byo.

²² Ariko niba uza kuvuga ijambo gusa, uvuge uti: "Mwami, ndabyizeye," ntushidikanye, byakire mu mutima wawe...

²³ Noneho, vuga nk'urugero, Nari mu kibaya, kandi ntabwo... Ndimu mbwiriza abantu babarirwa muri za miliyoni, ariko hakurya y'umusozi hariya, hari itsinda ry'abantu ijana, kandi barimo gupfa bataramenya Kristo. Ni byiza, Mfite miliyoni hano ngomba kubwiriza, ariko nyamara, mu mutima wanjye hari Ikintu runaka kimbwira, "Jya muri bariya bantu. Basange. Barimo kurimbuka." Sinshaka kugenda njyenyine, ariko nyamara hari Ikintu muri njye. Reba, iyo ni Imana noneho, igenda. Reba intego iyo ari yo, reba intego igamijwe mu kujyayo, ntabwo ari iye... Noneho, niba mvuze: "Ni byiza..." Niba intego yanjye ari nziza yo kugera hariya, ariko ningerayo ngasanga umusozi ari munini, Nkavuga nti: "Urabizi, ningera ku musozi nkarokora abo bantu ijana, umunsi umwe bazahashyira ikibumbano: Mwene Data Branham, umuvugabutumwa ukomeye." Noneho, intego yanjye ntabwo izaba ari nziza. Umusozi ntuzahirima. Oya, mugabo.

²⁴ Ariko iyo intego yanjye ari nziza, kandi Imana mu mutima wanjye irimo kunyobora, sinshobora kurenga umusozi, kuzenguruka umusozi, munsi y'umusozi, nari kuvuga nti: "Musozi, imuka." Birashoboka... Iyo mvuze ibyo, kandi singire icyo ndenzaho kitari icyo mvuganye umwuka w'ukuri, uyobowe n'Umwuka Wera, mu bushake bw'Imana, bishobora kutabaho ariko akayiko gato k'uwo musozi kagakabanuka, ariko ukaguma mu nzira yawo. Umunsi ukurikira hashobora kuvaho urugero rw'ibiro bibiri. Umunsi ukurikira kimwe cya kane cya toni. Kandi birashoboka ko mu kwezi, toni eshanu zavaho. Bite byawo? Ntushobora no kubibona, ariko urimuka, mu nzira wawo. Nzaguma aho ngaho nitegereze uko ibintu bikorwa, kuko Imana yabivuze kandi igahita ibisohoza.

²⁵ Ushobora gutekereza kuri mama wawe hariya nimugoroba? Ni byiza, niba umutekerezaho, azakira neza. Ni byiza. Niba ubyizera gusa: vuga ijambo gusa kandi urigumemo. Urabona? Wizere gusa; uryizirikeho. Ni Ubugingobu Buhoraho.

²⁶ Noneho, ejo nyuma ya saa sita... Nabwiye Billy, iri joro, ngo amakarita y'amasengesho ayareke, kandi nashakaga kuvuga. Ndatuye, mu by'ukuri, kuva muri Mutarama, nagiye mu mahanga, ndagaruka, njya muri Phoenix, mu rugo neza, nuko ndagaruka, kandi byose byuzuye (ubwo burondozi) kugeza igihe ngize intege nke cyane ku buryo hari igihe bingora kumenya aho mpagaze. Ni kubyerekeranye gusa no gukubitika.

²⁷ Hanyuma, ngomba kugenda, kandi ba...mwebwe—mwa bavandimwe mwe mwantumiye nkamara indi iminsi mike. Mbega ukuntu mbyanshimisha. Ndatekereza rwose ko hano hari ari itsinda ryiza ry'abavugabutumwa. icyifuzo ni uko twakongeraho ikindi gihe gito cyo gusabana. Niba Uwiteka abishaka, nzajya ngaruka rimwe na rimwe. Nta kindi, kuva mw'itorero njya mu rindi maze nkazenguruka umujyi mwese nkabasura. Nishimiye kubikora: ikintu cyose nashoboraga gukora kugirango mfashe Ubwami bw'Imana, ni icyo, niba mushaka ko mbikora. Kandi rimwe na rimwe nkagaruka mu tugafatanyaga kugira inama nziza, ahantu runaka.

²⁸ Kandi mwibuke, bavandimwe, nzaba ndimo kubasengera. icyo ni ikintu kimwe nemera. Kandi ndashaka ko mwese munsengera, buri wese.

²⁹ Noneho njye—Ndi...Ejo mu gitondo ni ibikorwa byitorero muri aya matorero meza atandukanye azengurutse umujyi.

³⁰ Noneho, amwe mu matsinda yo muri Jeffersonville ari hano. Bamwe mu nshuti zanjye, umwe mu bizerwa b'itorero, ari hano, mwene Data Fred Sothmann. Sinigeze mbasha kumubona mu materaniro. Na mwene Data...Yoo, izindi nshuti zanjye nyinshi zituruka hariya i Jeffersonville, u...umunyamabanga wanjye hariya kandi—kandi bose bari hano, ahantu hamwe mu materaniro. Sindababona.

³¹ Kandi bavandimwe, hano muri uyu mujyi hari amatorero meza. Namwe mwese bashyitsi badusuye, muhitemo itorero rimwe muri ayo maze ejo muzajyeyo. Bazagukorera ibyiza, ndabizi neza. Ni abavandimwe bizera umurimo nk'uyu. Ni yo mpamvu bari hano batunganyaga ikibuga ahantu hepfo aho, kuko barabyizera. Kandi ndashimira abo bagabo.

³² Mwami, ha umugisha iki gice Abacuruzi Buzuye Ubutumwa Bwiza bari hano—bateye inkunga aya materaniro. Hariho... Nizera ko byari byiza, bateye inkunga amateraniro. Na—Nabonye inkunga yabo ihagije, kuko muri bo...Ntudukwiye kumera gutya, ariko inshuro nyinshi, bavandimwe mureke habeho itandukaniro rito: nk'uko umuntu yakwizera *ikintu runaka* gito; undi, nawe *ikintu runaka* gito; ni nko guteza akajagari gato n'ibisebe bishaje uhereye inyuma; bigomba gukira ako kanya, ariko ni—ni...Niba kandi mwebwe, cyangwa, niba mbona Abacuruzi Buzuye Ubutumwa Bwiza, noneho ubwo bwoko bw'ubufasha buruzuzanya, hanyuma tugahuriza hamwe, maze tukagirana ubusabane nyabwo, mu bihe byiza gusa. Kandi turabyishimiye. Imana ihe umugisha icyo gice. Nizera ko Uwiteka yabizamuye afite intego.

³³ Noneho...hanyuma nagize amahirwe akomeye yo kubona umwanya wa mwene Data Oral Roberts ejobundi. Nanjye, aho hantu inzovu ziba, icyo ni ikintu cyiza cyane. Ni—ni urwibutso rw'Abapenekositi.

34 Hanyuma nagiyeye kwa murumuna wa Tommy Osborn, ahandi hantu heza, umuntu w’Imana uhebuje, inde . . . nje na mwene Data Tommy turi inshuti za hafi, kandi mwene Data Oral, nawe, turi abavandimwe ba hafi, kandi turakundana, kandi tugerageza uko dushoboye kugirango dukore ibishoboka byose kubw’inyungu z’abantu mu Bwami bw’Imana.

35 Ndashimira rero rwose abo bagabo bari hano muri uyu mujyi mu bandi bagabo beza mufite. Mwebwe ntama mwabonye abungeri beza. Nje gusa, nzabivuga gutya. Uwiteka akomeze kubana namwe mwese ni ryo sengesho ryanjye. Noneho ejo nyuma ya saa sita, nza . . . Umurimo utangira gihe ki, bakundwa? Saa munani n’igice. Reka tuvuge saa saba—saa saba cyangwa saa saba—n’igice mugomba kuba muri hano kugirango batazahagarika imirimo isigaye.

36 Noneho, niba abahungu batarabibabwira, iri joro bafite ibitabo bimwe na bimwe, amafoto n’ibindi, hamwe na kasete, zirihu amajwi, na . . . by’inama, kandi barabigurisha. Ariko ntizubareka ngo babigurishe ku Isabato, ejo. Nta bitabo cyangwa ikindi kintu kizagurishwa ejo. Ntabwo rero tuzabikora . . . ntabwo twigeze tubyemera. N’ubwo benshi babivuze, “Muribeshya cyane . . .”

37 Kandi umusaza Daddy Bosworth yakundaga kumbwira at: “Yewe, mwene Data Branham, uribeshya hariya,” ariko ni bwo buryo mbyumvamo (Urabona?), kandi nda—ndabyiyumvamo. Niba ushaka kimwe, baraguha kimwe, ariko niba u . . . Ariko ntidushobora kugurisha ku—ku Isabato. Oya. Ni ibyo. Niba mbyizera, ngomba kubibamo, gusa . . . Ngomba kubibam nnyewe ubwanjye. Urabona? Nanjye ngo—ngomba kubaho mu byo nizera kandi uko . . . Cyangwa se mushobora kunyohereza imuhira, kandi, kungeza mu nzu, kugezaza ahantu maze mukabibona.

38 Noneho iri joro, yewe, reka twese tubyibagirwe, yewe, ko hari umurimo ugomba gukorwa, cyangwa ikindi kintu cyose, cyangwa imiruhu y’umunsi. Reka tubishyire ku ruhanda byose, turebe Ijambo mu minota mike, hanyuma urebe icyo Imana itubwira ikoresheje Ijambo ryayo. Kandi ndasenga ngo Imana iduhe umugisha ukomeye cyane muri iri joro.

39 Gene, ushobora kumushimuta ku bwanjye? Ushobora kunshimutira uriya mwana w’umukobwa muto? Ese si akantu keza cyane? Urashaka gutahana nanjye mugakina na Sara muto wanjye, kuberekeye *ibi* byo hejuru? Yoo, urabishaka? Nda—Ndashaka ko ubikora. Murangana mu bunini gusa, kandi ni umukobwa muto wa Papa. Um-hum. Hum. Kandi ndakwemereye—ukunda Papa wawe, si byo? Mama? Yego, urabizi. Umukobwa mwiza cyane, ndimo gutegura hano, mwigereza. Amaso mato ameze nk’ibitobore bibiri byacitse mu buringiti kandi—n’umusatsi muto wujimye.

40 Gusa nkunda abana bato. Mfite abakobwa babiri mu rugo. Umwe muri bo ni Rebeka undi ni Sara.

41 Hano hashize igihe, nari ndi kure. Bombi ni abakobwa bato ba Papa, murabizi, kandi ndabakunda. Kandi nkimara kugaruka nagombaga kubaha igikinisho cy'ikamyo, kandi . . . gusa Becky arakura cyane kuri yo; ni munini kuru nka njye. Ubu yamvuna umugongo; ni . . . ariko aracyari umukobwa muto wa Papa, uko byagenda kose. Noneho, nk'undi mwaka, turashaka kumujoyana mu ishuri rya Bibiliya ahantu hamwe kure y'ishuri rya leta.

42 Hanyuma, bari bategereje Papa, murabizi, ko agaruka mu rugo. Nari ndi hanze mu nama. Ejo nijoro bazantegereza kugeza saa sita z'ijoro kugirango ngerageze kwinjira. Kandi rero, ninjiye muby'ukuri kare mu gitondo, nka saa tatu cyangwa saa yine zuzuye. Nuko mama aza ku muryango aranyemerera ndnjira, kandi nari naniwe cyane kandi ndushye, na . . . Hano ku mugaragaro, Na . . . igihe na . . . gusigwa bituma ugubwa neza, ariko iyo ibyo bimaze kukuvamo, ni bwo uhura n'ingorane. Ni bangahe bigeze babimenya? Kuki, ndabizi neza ni ko bimeze.

43 Reba. Eliya yazamutse umusozi ahamagara umuriro uva mu ijuru, yahamagaye imvura iva mw'ijuru, hanyuma igihe Umwuka yamuvagamo, yazengurutse mu butayu iminsi mirongo ine nuko Imana iramusanga, asubira mu buvumo ahantu runaka.

44 Yona, aramanuka, aguma mu nda y'urufi runini iminsi itatu n'amajoro atatu, rwamurutse ku nkombe y'inyanja nuko arazenguruka abwirira. Umujyi wose warihanyye wiywugurira Imana. Ugusigwa kumushizemo, azamuka umusozi asaba Imana kumwambura ubuzima. Urabona?

45 Mpagaze iruhande rw'imva ya William Cowper, nta gihe gishize, umwe wanditse iyo ndirimbo izwi dukoresha mu murimo wacu wo gusangira:

Hano hari Isoko yuzuye Amaraso,
Yakuwe mu mitsi ya Emmanuel,
Aho abanyabyaha barohamye muni
y'umwuzure,

46 Wigeze wumva icyo ya . . . ibyamubayeho? Nyuma uguhumekerwa kumuvuyemo, yagerageje gushaka uruzi kugirango yiyahure.

47 Mba mu rugo hakurya ya Kentucky ya Kera. Kandi Stephen Foster yahaye Amerika indirimbo ze zizwi cyane. Kandi iyo yandikaga, yabonaga uguhumekerwa guturutse hejuru, uko guhumekerwa, kwandika, indirimbo, iyo kwamuvagamo, yashoboraga kujya gusinda. Amaherezo, yahamagaye umugaragu afata urwembe ariyahura.

48 Abantu ntibazi icyo abo bantu baba muri ubwo bwami bwo mu mwuka banyuramo. Noneho *hano*, urumva ushobora kwimura umusozi. Ariko reka reka amavuta agushiremo,

hanyuma utangire unyuze muri urwo rugi (niba nta muntu uhari ushobora kugufata, reba) hanyuma ubwo, wenda mu masaha make, byakugoye, wibaza aho uri. Hanyuma ijoro ku rindi, ibyo bikagutwara ibyiza.

49 Kandi...Ndashaka kukubwira iby'abakobwa bato Sara na Rebeka. Bukeye bwaho rero, sinabashije gusinzira, maze ndahaguruka, nari nicaye ku ntebe, nyuma y'igihe gito Becky, kuba mukuru kuri bo, yari—yari afite amaguru maremare kurusha Sara, nuko Becky aza yiruka...yazindutse, asimbuka ava mu buriri, ntiyakangura murumuna we we, kandi hano yinjiye munzu, yiruka uko ashoboye. Yaravugaga ati: "Papa, Papa..." Nakuyemo ukuguru kumwe, maze asimbukira hariya, aringaniye neza. Bimeze nka—itorero rigezweho, murabizi, rimaze igihe kinini mu mikino, murabizi, mu myaka amagana menshi. Yashoboraga kwicunga neza, yanshyiragaho amaboko avuga ati: "Yoo, Papa, Papa..."

50 Kandi umwana Sara yari ari, mu gihirahiro, arimo kubyuka. Ni byiza, sinzi niba abana banyu babikora, cyangwa batabikora; uwanjye arabikora: umuto ashyira amaboko hasi. Nuko rero Sara yari yambaye pinjama ya Becky, afite ibirenge birebire cyane, murabyumva. Nuko maze araza, gake gake, agwa, abyuka. Agerayo, atinze. Becky rero yarahindukiye, aravuga ati: "Sarah, mushiki wanjye, ndashaka kukubwira ikintu kimwe." Yaravuze ati: "Nari ndi hano mbere. Kandi mfite monopole. Ndabifite byose Papa wowe ntacyo usigaranye."

51 N'uburyo abantu bamwe bagerageza gutekereza kubyerekeye idini, si byo? Uh-huh. Ni byo.

52 Umwana Sara nawe, ajundika iminwa ye, n'amaso ye mato mato yirabura arandeba, maze atangira kurira. Kandi Becky yari afite umusaya kuwanjye, arampobera. Ndamukunda. Nuko Sarah atangira kwegerayo 'kuberako Becky yari afite ibya Papa byose. Negejeyo irindi vi nka *gutya* hanyuma ndamwerekaga *gutya*. Yoo, yahise yikubita hasi yihuta maze ariruka, ansimbukira ku ivi nuko...Ntabwo yari amaze igihe kinini cyane kandi amaguru ye ntiyari ari no kugera hasi. Yari ameze nk'akantu gato (wenda, nkanjye, gusa, gato murabizi), kandi ntiyabikoze...ntiyashoboraga kugera hasi. Ntabwo ryari idini rinini, murabizi, Kandi rero ntiyashoboraga kumanuka ngo agere hasi. Ntabwo yari amaze igihe kinini bihagije.

53 Kandi rero, yari ameze nk'uwajegajega, maze ndamujugunya amaboko yombi nka *gutya* ndamuhobera ndamwiyegereza, maze ahumura ayo maso mato yirabura, asubiza amaso inyuma kuri Rebeka. Aravuga ati: "Rebeka, mushiki wanjye," we—yavuze ati: "birashobora kuba ari ukuri ko wabonye ibya Papa byose, ariko ndashaka ko umenya ikintu kimwe: Papa yabonye byose." Noneho...

54 Ni byo...Gusa rero kugira ngo angire wese. Nshobora kuba ntafite uburere bukenewe bwo gushyira ibintu binini kuri gahunda, ariko igihe cyose nzi ko amfite wese, mu bitekerezo byanjye, gusa mu mureke agire amaboko yombi ayanzengurutseho, biratuma numva nguwe neza.

55 Muraho, reka dutange irindi jambo rito ryo kumusengera mbere yo gufungura Ijambo.

56 Noneho, Data wo mwijuru, tumenye ko tumeze nk'abana. Kandi—kandi Ukunda kubana natwe, kandi ugasengana natwe. Kandi nkuko tukuramya, nawe uradukunda, ukadufata mu maboko, ukamanura Umwuka wawe Wera, kandi utumenyeshe ko uriho kandi uri Data, turagushimiye cyane. Noneho, reka Umwuka Wera aze iwacu muri iri joro. Kunda buri mutima, Mwami. Duhe umugisha mushya. Dusukeho igitonyanga cy'urume rw'imbabazi, Data. Ntukarebe ku byaha byacu. Ni byinshi cyane. Mwami, ubabarire gusa. Ubareke, Data, hanyuma utujyane mu maboko yawe, kandi—kandi udukize indwara zacu, noneho—kandi dusukure ubugingo bwacu, kandi ubohore imitima yacu, Mwami, kugirango turamye kandi dushimire, tumere nk'abana bato biruka mu rugo, gusa tumenye ko Papa atureba. Byemere, Mwami.

57 Noneho, nta muntu ushoboye—gusobanura Ijambo. Ibyo turabizi. Yohana yabonye Igitabo mu kuboko kw'iburyo Kwe iyicaye ku ntebe y'ubwami, kandi nta muntu wari mu ijuru, cyangwa mw'isi, cyangwa ikuzimu wari ukwiriye gufata Igitabo kugirango ikibumbure, cyangwa kumena ibimenyetso. Haza Umwana w'intama, wishwe kuva isi itarashyirwaho urufatiro. Kandi ni we wari ukwiriye. Afata Igitabo, amena ibimenyetso, maze afungura Igitabo. O Umwana w'intama, ngwino iri joro. Fungura igitabo ku bwacu Data, mu gihe tugutegereje, kuko tubisabye mw'Izina rya Yesu, Umwana w'intama w'Imana. Amina.

58 Nahisemo, iri joro, umurongo muto w'Ibyanditswe hano w'amagambo atatu. Ariko Ndabanza gusoma gusoma umurongo umwe cyangwa ibiri muri Mutagatifu Yohani, igice cya 11 gitangirana n'umurongo wa 23.

Yesu aramubwira ati: “musaza wawe azazuka.”

Marita aramubwira ati: “Ndabizi ko...azazuka mu muzuko wo ku munsu w'imperuka.”

Yesu aramubwira ati: “Ni njye kuzuka nu... n'ubugingo: unyizera, naho yaba yarapfuye, azabaho:

Kandi umuntu wese ubaho unyizera ntazapfa iteka ryose. Mbese wizeye ibyo?”

Aramubwira ati: “Yee, Databuja: Nizera ko uri Kristo, Umwana w'Imana, ukwiriye kuza mu isi.”

59 Kandi kubw'ibyanditwe ndashaka gukoresha aya magambo atatu: *Mbese Ibi Urabyizeye?*

60 Nasomye inkuru hashize igihe. Ntekereza ko yari inkuru yimpimbano. Kandi benshi mu bakozi b'Imana bese, ndakeka ko basomye igitabo cya Dr. Ingraham—*Igikomangoma cy'inzu ya Dawidi*. Ni igitabo gikomeye. Nibwira ko cyasohotse rwose. Ndashaka kugishyira mu icapiro, kugirango nshobore kugishyira mu bantu.

61 Kandi aho ngaho, nasomaga ingingo nto kuri uyu Lazaro, no kuri Yesu, Mariya, na Marita, abo ni bashiki ba Lazaro. Kandi nasomaga aho ngaho ko ariho Yesu yabaga, nizera ko, hamwe na Marita na Mariya. Bombi bari abakobwa b'Abaheburayokazi beza. Kandi Lazaro yarimo yiga cyangwa yitoza kuba umwanditsi mu rusengero, yandikira abatambyi amabaruwa y'amategako.

62 Kandi Yesu yari afitanye umubano ukomeye, cyane na Lazaro. Iyo dusomye mu gitabo ko We yaje mu rugo rwabo, kandi Marita yari afite amatsiko yo kumva amagambo Ye, ariko yagombaga gutegura ifunguro rya nimugoroba agategura ameza, ariko Mariya we yicara hafi y'ibirenge Bye. Kandi Yesu yavuze ko Mariya yahisemo ibintu byiza.

63 Hanyuma, twabwiwe ko Lazaro ari we wazanye Yesu kwa Yohana, mu nkuru yo mu bitabo bya Dr. Ingraham, na... *ku Gikomangoma cy'inzu ya Dawidi*. Ariko, ibyo birashobora kuba atari ukuri, simbizi, ariko gusa ni kubwibikubiyemo, ariko We yagombaga kubana na bo.

64 Noneho, twize uku kuza, muri iki cyumweru gishize, ahubwo, ko Yesu yavuze muri Mutagatifu Yohani 5:19, ati: "Njye... Umwana ntacyo ashobora gukora muri We, keretse ibyo abona Se akora: ibyo ni byo Umwana akora. Data arakora kandi Umwana nawe arakora kugeza ubu." Murareba? "Ibyo We abona Data akora."

65 Kugirango rero iyi nkuru ibe inkuru nziza, Data, Imana, agomba kuba yaravuganye n'umwana Wayo, Yesu, ati: "Inshuti yawe, Lazaro, igiye gupfa, ariko bizaba byiza, nuko va mu rugo. Genda, 'kuberako Usabwe kumusengera, cyangwa, kumukiza, kandi—kandi sinshaka ko ibyo ukora." Iyo witegereje inkuru uko igenda, ubona ko ijyanye n'uko kuri nyine. Kubw'ibyo rero Yesu, gusa nta nteguza cyangwa ikindi, yagiye kure y'urugo ajya ahandi, ntiyagaruka muri iryo joro. Ajya mu yindi mijyi. Kandi Yesu akimara kuva mu rugo, noneho ibibazo byahise biruzamo.

66 Kandi iyo Yesu avuye mu rugo rwawe, ibibazo bishyira nzira. Gusa mwibuke, iyo avuye mu rugo rwawe, ibibazo bishyira nzira. Iyo ubonye societe societe n'ibintu byose bikorerera mu rusengero rwawe neza, nka silenderi nini ya cumi na gatandatu Rickenbacker, hanyuma ugasiga Yesu hanze yayo, mugihe Yesu avuye mu itorerero ryanyu, ibibazo bitangira kubatera no

kugaragara. Ni byo, nyakubahwa, igihe Yesu avuye mu idini, ko bamushyize ku ruhande bakavuga bati: “Ni byiza, ubu ntitwemera gusa ko ibyo bintu bishobora kuba byiza rwose,” kandi mwemera ikindi kintu, ibibazo mu nzira zabyo. Gusa wibuke ibyo.

⁶⁷ Unyibukije inkuru y’Umwami Yesu, iboneka mu Gitabo cya Luka. Uzi igihe yari umuhungu wimyaka hafi cumi n’ibiri, Abantu Be baramujyanye, nkuko byari bisanzwe buri mwaka, kugeza k’umunsi mukuru wa Pentekote. Bakiri mu muji wa Yeruzalemu mu birori no kwinezeza, dusanga muri Bibiliya, ko baguye iminsi itatu batamufite. Kandi ko batekerezaga wenda, babifata nk’ukuri, ko Yesu agomba kuba yari muri bamwe mu bavandimwe babo. Ubu, ntidushobora kubikora. Ubwo bazaga kunyura muri bene wabo kugirango babimenye, ntabwo We yari ahari.

⁶⁸ Ntidushobora kubifata nk’ukuri, kubera ko turi aba Metodiste, aba Batisita, aba Peresibiteriyeni, aba Pentekote, kandi amateka yacu na ba sogokuruza bari abizera bakomeye, turabifata gusa, neza, nk’ukuri, Yesu ari kumwe natwe. Ntidushobora kubikora. Tugomba guhura na We buri munsi na buri munota. Yego, ndabikunda.

⁶⁹ Ndashaka icyo Imana iri cyo ubu. Ibyo ababyeyi banjye bari bafite, ibyo ba sogokuruza bari bafite, biranejeje, ariko (Ibyo bari bafite ni byiza.) Ntekereza ko tugeze kure y’umuhanda.

⁷⁰ Reka turebe icyo ari cyo uyu munsi. Sinshaka gusubiza amaso inyuma ngo ndebe ibyo Bwana Moody yakoze, kuko turi kure y’umuhanda kuruta Bwana Moody. Ibibazo by’amatorero yacu: dusubiza amaso inyuma maze tukavuga tuti: “Muraho, reka turebe icyo Bwana John Wesley yavuze, ibyo bamwe mu bandi bavuze.” Ni yo mpamvu siyanse yakataje kure cyane mu rwego rwayo, kuruta idini mu rwego rwaryo.

⁷¹ Hano hashize imyaka magana atatu, umuhanga w’umufaransa yerekanye ko uramutse ugiye n’umuvuduko uteye ubwoba w’ibirometero mirongo itatu na bitanu ku isaha, gravitasiyo yagukura kw’isi. Utekereza ko siyanse yakwisubiraho kuri uyu munsi? Bagenda ibirometero igihumbi na magana cyenda mu isaha kandi baracyakomeza. Bakomeje imbere, batumbiriye imbere. Ariko turashaka gusubiza amaso inyuma tukareba icyo Moody yavuze; Sankey ati; Finney ati; Knox, Calvin; bimwe muri byo. Ibyo bavuze byari byiza. Ibyo byari ibyo mu myaka yabo, ariko turakomeza.

⁷² Sogokuru yatwaye igare rikururwa n’inka. Ntwaye Ford V8. Umuhungu wanjye azagurutsa indege. Nibyo, turakomeje. Ni byo idini rigomba kuba byo. Ukuza kw’Umwami kuregereje. Itorero rigomba gukomeza imbaraga zaryo. Siyanse ishobora gukomeza gutumbagira hanyuma ikongera igasubira inyuma, ariko twabonye amasoko adakoreshwa, ibyo ntabwo byigeze

bikorwaho, n'imbaraga, zitagira imipaka, z'Imana, dukwiye kwegera. Turi mu bilometero miriyoni muni yuburenganzira bwacu muri iri joro, n'amahirwe y'Abakristo yo kwishimira. Ndumva binteye isoni iyo ndebeye hanze mbona ibigo, n'indwara, n'ibibazo biriho ubu. Itorero ryacu rigomba kugenda mu nzira, yo gukiza abarwayi, kuzura abapfuye, kwirukana amadayimoni, gukora ibimenyetso n'ibitangaza, bigatuma isi yose imenya ko Yesu Kristo ariho. Ni byo dukeneye gukora.

⁷³ Kuki, uvuga uti: “Bwana Moody ntabwo . . .” Bwana Moody ntabwo yari ariho muri iki gihe. Ni byo. Turi ku Kuza k'Umwami. Kandi twabifashe nk'ukuri ko Yari kumwe na bene wacu. Ariko ejobundi ubwo umuntu yavuguruzaga Bwana Graham, twasanze Atari umwe muri benewacu.

⁷⁴ Bamusanga he We? Ni he ba—Yesu bamusanze he? Bamusanze aho We bamusize. Bamusize he We? Ku muni mukuru wa Penekositi. Ni hehe dusize Yesu, itorero ryamusize he? Ku muni mukuru wa Penekositi. Iyo tuvuye muri kiriya gihe cya kera cya Gipenekositi imbaraga z'umuni mukuru wa Penekositi, tujya kure ya Yesu. Ni byo rwose, nshuti zanjye. Turi muni y'amahirwe yacu. Yego mugenzi.

⁷⁵ Bamusize ku muni mukuru wa Pentekositi, kandi hari hari umwanya w'Abametodisiti, Ababatisita, Abaperesibiteriyani gusa, naho Abapenekositi We ntibazongera bamubona, Yasubiye aho mwamusize. Ibyishimo by'Umwami biri he? Imbaraga z'Umwami ziri he? Itorero rirabaza uyu muni riti: “Ni ki—byagenze bite ku Mana y'amateka?” Arindiriyeye ubwoko Bwe kugirango bumuhamagare ku mugaragaro. Ariko . . .

⁷⁶ Ntidushobora kubikora binyuze mu madini. Ntidushobora kubikora muni y'ubumenyi bwa muntu. Ntidushobora kubikora muni y'imibare, cyangwa ntidushobora kubikorana n'uburere. Turitandukanya, tukicamo ibice. Ntabwo dukwiye kwicamo ibice. Turi umuntu umwe rwose muri Kristo Yesu. Twese turi umwe muri Kristo, kandi amadini yacu ntazigera abikora. Nubwo ari meza, ariko ntabwo azabikora. Uburere bwacu ni imbogamizi ikomeye Ubutumwa bwiza butigeze bugira, ni uburere.

⁷⁷ icyo dukeneye ntabwo ari uburere. Dukeneye imbaraga no kwigaragaza k'Umwuka Wera kugaruka mu itorero kugirango kwerekane imbaraga. Yesu ntiyigeze avuga ngo: “Mugende mu mahanga yose maze—maze mwigishe.” Ntiyigeze avuga ngo: “Mugende mu mahanga yose maze mukore . . .” Yaravuze ngo: “Mugende mu mahanga yose maze mubwirize Inkuru nziza.” Kandi Ubutumwa Bwiza ni ukugaragaza imbaraga z'Umwuka Wera, umuzuko. Turacyabura ibilometero miliyoni kugirango tugere aho tugomba kuba turi. Reka tujye imbere. Reka dusubire aho twamusize ku muni mukuru wa Penekositi.

⁷⁸ Yesu yaravuze, muri Yohana, Ati ndizera igice cya 15, Yaravuze ati, “Nje ndi Umuzabibu; mwe muri amashami.” Ni byiza noneho, niba uwo Muzabibu washyizeho ishami rya mbere, hanyuma muri iryo shami hakandika Igitabo cy’Ibyakozwe, ishami rya kabiri rizakora ikindi Gitabo cy’Ibyakozwe. Ishami rya gatatu rizakora ikindi Gitabo cy’Ibyakozwe. Kandi amashami yose azasohoka muri uwo Muzabibu azaba ameze nk’ishami rya mbere.

⁷⁹ Noneho, ushobora gushushanya, turabizi. Nabonye igiti cy’indimu gifite ubwoko mw’imbuto butandukanye bugera ku umunani. Nabonye igiti cy’amacunga cyera pampelemuse, n’indimu, n’ibindi byose kuri cyo, ariko byari byunzweho.

⁸⁰ Ni cyo kibazo muri iki gihe. Twarunzwe mu bitekerezo byacu, twarahujwe mu madini yacu, ariko niba icyo giti cyarigeze gushyirwaho urundi rubuto rw’umuzabibu, cyo ubwacyo, kizamera nk’icya mbere cyashyizwemo. Haleluya! Yoo, itorero rizahuza, ariko dukeneye imbaraga z’umwimerere. Dukeneye Umwuka Wera, imbaraga z’umuzuko wa Yesu Kristo. Ni byo Yatubwiye gukora.

⁸¹ “Ndi Umuzabibu, muri amashami.” Niba igiti cy’umuzabibu kijeho imizabibu, nuko kikazaho imizabibu myiza y’ubururu, umuzabibu ukurikiraho nawo uzaba ufite imizabibu myiza y’ubururu. Niba Umuzabibu wa mbere usohotse, nuko bakagwa muni y’Umwuka Wera, maze bagakora ibitangaza bikomeye, n’ibimenyetso, kandi bashyizeho ikimenyetso ku buhamya bwabo ku isi... Ndetse benshi muri bo bafite ubuhamya bwabo, bo, n’amaraso yabo, bashyizeho kashe ku buhamya bwabo. Banyuze mu byago byose bibaho n’ibintu byose kugirango bazane Ubutumwa bwiza. Barababaye; barakubiswe; barahanwe. “Tugomba kujyanwa mu Ijuru, ku buriri bw’indabyo bworoheje, mu gihe abandi barwaniye gutsindira igihembo, hanyuma tugenda mu nyanja y’amaraso?” Ni iki duteganya gukora? “Ngomba kurwana niba ngomba gutegeka. Kongera ubutwari bwanjye, Mwami.” Rwose. Dukeneye i . . .

⁸² Ntidukeneye idini rishya. Ntabwo dukeneye inyubako nshya y’itorero. Icyo dukeneye uyu muni ni ibihe bya-kera, ikirere-ubururu, ububutse bwa Penekositi bwica-icyaha, bwavutse kuri Penekositi bukongera gusubira mu itorero, imbaraga z’Umwuka Wera na none, kuzana Yesu ahabigenewe.

⁸³ Imana y’amateka ihora igaragara mu ruhame mu gihe gikomeye. Turabukeneye. Ni cyo kibazo cy’itorero ryacu uyu muni. Turimo gusubira inyuma cyane. Turimo kugwa mu myambarire y’isi. Kandi buhoro buhoro, uko umwaka utashye, bitangira buhoro hanyuma bukazima.

⁸⁴ Vubaha igihe kiraducika neza. Imana izagikuraho nyuma nk’uko mbihamya mpagaze kuri iki gicaniro. Imana izawukata kugirango were imbuto. Azakuraho imwe mu mirimo muri iyi

minsi. Agasuzuguro nk'ako, uburyo itorero ryakomeje mw'izina ry'idini.

⁸⁵ Turabimenya, igihe Yesu yagendaga, urupfu rwarinjiye. Iyo Yesu avuye mu itorero ryacu, imbaraga z'Umwuka Wera ziva mu itorero ryacu, zitangira kugabanuka kandi—hanyuma tugapfa. Hanyuma nyuma y'igihe nta kindi riba risigaranye. Noneho, igihe Yesu yagendaga, urupfu rwarinjiye. Yego, mbega igihe cyari kibabaje.

⁸⁶ Menya ko, baribajije hirya no hino, batumira Yesu, ariko ntabwo yaje. Bongeye kumutumaho, maze ntiyaza, ariko Yari azi icyo Agiye gukora. Azi iri joro, icyo agiye gukora. Ntabwo byajyanye na We: Azi neza icyo Arimo gukosora. Agiye kuzamura abantu, neza nk'uko mbizi mu gihe mpagaze kuri iki gicaniro. Azazamura abantu kubw'Izina Rye mu gisekuru cy'Abanyamahanga. Azabikora.

⁸⁷ Ubu ni igihe cy'uburenganzira bw'Abayahudi, icy'Abanyamahanga kirimo kurangira, kuko basohotse. Barimo banga Kristo; barimo banga ibimenyetso byabo; barimo banga ibintu byose byitwa ibya kimana, hanyuma ubyangirira nk'uburyo bumwe bw'ibyo witekerereje cyangwa imbaraga za satani hanyuma ukore... Barimo gutuka Umwuka Wera no kwihambirira kure y'Imana. Kandi Imana izafata abo bake, nyuma y'igihe gito, izabazamurira mu Itorero rikomeye, hanyuma igarure Umwuka ku Bayahudi, hanyuma ijyane Itorero ry'Abanyamahanga mu rugo. Nibyo rwose. Ubu arimo kwitegura. Nibyiza, turi mu bihe byanyuma, vubaha.

⁸⁸ Yesu, yari abizi. Nyuma y'igihe gito, "Inshuti yacu Lazaro arasinziriye."

⁸⁹ Kubera iki, abigishwa bibwiraga ko arimo kuruhuka gato. Yaravuze ati: "Ni byiza, niba asinziriye, aba ameze neza cyane."

⁹⁰ Ni byo, Yavuze muri We... amagambo yabo, kugirango basobanukirwe, yaravuze ati: "Yarapfuye, kandi kubwawe nishimiye ko ntari mpari." Murareba? "Ku bwawe, nishimiye ko ntari mpari." Kubera bari kumubaza ibyo—gukiza—kumukiza, ariko yari azi ko adashobora kubikora, kuko iyerekwira ryari ritarasohora... nyuma y'icyo minsi ine yamenye ko ari cyo gihe Data Yamubwiye. Mbega ukuntu ari byiza; Yavugiye ku mva ati: "Data, ndagushimiye, Umaze kubyumva, ariko mbivugiye gusa ku basigayeyo." Murareba? Yari asanzwe azi icyo agiye gukora. Yaravuze ati: "Nzajya kumukangura."

⁹¹ Noneho, nshobora kwiyumvisha ko inzu nto mu byukuri yasenyutse. Inkunga y'umuryango yagiye nka nyomberi, nagahinda. Yoo, nibyiza iyo ubonye urugo rwugarijwe n'umubabaro cyangwa umutima wuje agahinda, hanyuma Yesu agasesekarira rimwe, mbese si byo? Ndashobora kwiyumvisha ukuntu Marita, umugore muto mwiza wari witandiyeye umwenda wirabura mumaso, na Mariya muto muto, nuko bafatana,

baravuga bati: “Tuzakora iki? Papa na Mama bagiye, na murumuna wacu w’igicro...Noneho, twavuye mu itorero, kandi twaraciwe muri bo, hanyuma sohoka ukurikire Yesu w’i Nazareti. Kandi Yatuvuyemo aradusiga, ajya ahantu runaka.”

⁹² Nshobora kumva umukobanyi aje akavuga ati: “Yemwe, Ugukira kwa Kimana kuri he, uwo Muhanuzi w’i Galilaya? Ari he ubu? Reba, iyo bigeze rwose igihe aho Akora ikintu, akaba Aragiye.” Hano. Reba, Imana ikunda gukora ibyo, kureka abantu gusa, gusa, reka abantu berekane icyo bari cyo, yego, gusa kubagerageza gusa kugirango irebe icyo bari cyo mu by’ukuri. Ikabaha umugisha. Aragaragara, Akiyerekana, yimenyekanisha. We ubwe mu bantu, gusa kugirango arebe uburyo bari bwitware, gusa kugirango irebe icyo bazabikoraho.

⁹³ Noneho, ubwo dusanga, nyuma ya—iminsi mike, iminsi ine, Lazaro w’umukene yarapfuye. Baramushyngura. Umunsi wa kabiri, umunsi wa gatatu, umunsi wa kane...Noneho, umuntu wese azi ko umuntu atangira kubora nyuma y’iminsi itatu: izuru rinagana mu maso, bwa mbere. Hanyuma kubora bigakurikira; inyo zo ku ruhu zigatangira kurya umubiri. Bamuryamishije hasi, bashyira urutare runini hejuru y’ubuvumo bari bamushyizemo. Kandi rimwe na rimwe, abakobwa bato barasohokaga bagapfukama ku mva ye bakarira.

⁹⁴ Nyuma yigihe gito, amakuru arasakara ngo: “Yesu araje. Twabonye yitemberera mu mujyi.” Yoo, uriya mwana muto Marita, ni ko yari ameze, byasaga nk’ibimugoye, yerekanye noneho icyo yari akozemo. Hano araje. Araje mu muhanda we noneho, yiruka ashakisha. Nshobora kumva bamwe muri bo ku muhanda bavuga bati: “Ni byiza, ndakeka ko unyuzwe noneho, ko idini ryawe ryari ibinyoma.” Gusa yarabyirengagije arakomeza, anyura neza muri abo bakobanyi bose. Yaramanutse kugeza abonye Yesu, wenda yihagarariye ku muhanda mu nguni.

⁹⁵ Noneho, bisa nk’aho, agomba...ashobora kuba yari afite uburenganzira bwo kumutesha agaciro no—no kumwuka inabi. Kubera iki, ntiyirutse ngo avuge ati: “Reba hano, reba hano, Wowe. Ugomba kuba uri Umuhanuzi, Umuntu w’Imana. Kuki Wowe Utaje mu gihe twaguhamagaye? Kubera iki, ubu twatanze urw’amenyo muri uyu umujyi. Twavuye mu itorero ryacu turagukurikira Wowe.” Yari ameze nk’ufite uburenganzira. Ariko urabizi, nk’uko Nabibwirijeho, *Umwana w’Intama n’Inuma*, niba turi umwana w’intama, umwana w’intama atakaza uburenganzira bwose afite. Ni byo rwose. Nta kindi yabonye uretse ubwoya, agomba rero kubutakaza. Kandi yatakaje uburenganzira bwose afite bwo gukorera Imana. Ni byo rwose.

⁹⁶ Nyuma nabonye abagore uburyo bari bambaye iyi myenda ishaje, urabizi, baravuga bati: “Ni byiza, turi—turi Abanyamerika. Dushobora gukora ibyo dushaka.”

⁹⁷ Naravuze nti: “Ni byo rwose, ariko niba uri umwana w’intama, uzatakaza uburenganzira bwawe.” Kunywa itabi no kwitwara gutyo, ni ikintu kibi kuruta ibindi umugore yigeze gukora. Ni byo rwose.

⁹⁸ Umudamu yarambwiye, ntabwo hashize igihe kinini, avugana na nje, ati: “Ariko, mwene Data Branham, nta yindi myenda bakora itari iyi.”

⁹⁹ Naravuze nti: “Ariko baracyakora imashini zidoda bakanagurisha ibicuruzwa. Nta rwitwazo rwose.” Ibyo ni byo rwose.

¹⁰⁰ Wibuke, umunsi umwe, ushobora kuba uwera hano ku mugabo wawe, ariko uzasubiza ku busambanyi kubw’ibyo, neza rwose: “Umuntu wese ureba umugore w’undi aba amwifuje, aba yasambanye na we mu mutima.”

¹⁰¹ Ni ikihe kibazo ku bagore b’Abapenekositi muri iki gihe, ni cyo nibaza. Ni gute wavuye ku murongo ushaje. Ukuntu ba nyoko bahoze bafite umusatsi muremure, none uyu munsi abagore b’Abapenekositi bisiga amarangi nk’ay’agatsiko ka Mardi Gras, bakikatisha imisatsi, bakanambara imyenda migufi ishaje nk’iyo, nk’inzira zisigaye... bagasohoka bagakubura imbuga nyuma ya saa sita, abagabo baje, urabyiyumvisha, mugore, ko ugiye gusubiza ibibazo kubwo gusambana n’abo bagabo? Ubiyereka kubw’iyo ntego. Ni umwuka mubi ku itorero n’abantu, kandi ntibabizi. Uri impumyi kandi ntubizi. Ni ukuri.

¹⁰² Wenda ushobora kuvuga ko ntafite uburenganzira bwo kuvuga ibyo nk’umuvugabutumwa. Ni byo, ngo—ngomba gukurikiza ubuyobozi bw’Umwuka Wera; ibyo ni byo nshobora kuvuga. Wowe... Nimpura nawe mu rubanza, sinzabarweho amaraso yawe mu biganza byanjye. Jya kure yubutaka bwose busa na satani. Guma kure yabwo. Buveho. Sinitaye ku byamamare byo kuri televiziyo... Wowe nturi, hano, icyamamare cyo kuri; uri umukobwa w’Imana.

¹⁰³ Babwirijwe mu rusengeru rwa pasiteri ejobundi, hafi yumucakara ushaje, igihe bagurishaga imbata kera. Kandi bakundaga kuza bakabigura muri cyamunara. Kandi abantu bari barimo, barariraga, barasakuzaga, kubera igihugu cyabo; ntibazigeze basubira inyuma ukundi. Bagomba kubakubita. Kandi bari kubigura nk’uko wagura imodoka, gusa ku busa, ibiciro, no kubigurisha ibiremwanuntu.

¹⁰⁴ Umunsi umwe, umuguzi araza, umukomisiyoneri, mu ruganda runini-... nako, umurima munini. Maze aravuga ati: “Ufite imbata zingahe zo kugurisha?”

¹⁰⁵ Ati: “Ni byiza, nabonye bamwe bo guhinduranya.” Bagerageza kongera umubare. Mubashyire ababyeyi b’abagore, ababyeyi b’abagabo... Niba umugore yarongoye yari umugore ufite intege nke, fata aba bagabo bakomeye bafite ubuzima bwiza nabo bababangurire... nk’amafarashi cyangwa

n'inyamaswa. Ntabwo byari byo. Imana yaremeye umuntu. Umuntu agirwa imbata. Ntabwo ari byiza kubitangiriraho, nta na rimwe na gato. Imana ntishaka ko umuntu uwo ari we wese aba imbata. Oya, mugabo. Kandi oya. . . Reba uko byagenze.

¹⁰⁶ Noneho hagati y'ibyo byose, uyu mugenzi wacu ati: "Ni byiza, ndashaka kugura umwe muri bo. . ." Yabonye umusore umwe aho. Ntibagombaga kumukubita. Akananwa ke kari hejuru, umutwe hejuru, nk'umunyacyubahiro nyawe, azenguruka. Kandi uwo mukomisiyoneri yaravuze ati: "Ndashaka kumugura."

¹⁰⁷ Yaravuze ati: "Ariko ntabwo agurishwa."

¹⁰⁸ Yaravuze: "Kubera iki?" Ati: "Ni umutware?"

¹⁰⁹ Yaravuze ati: "Oya, ni imbata."

¹¹⁰ "Ni byo," ati: "kubera iki? Umugaburira neza kurusha abandi?"

¹¹¹ Yaravuze ati: "Oya. Arira hanze mu busitani hamwe n'abandi. Ni imbata."

¹¹² Ati: "Ni ki kimutandukanya cyane n'abandi?"

¹¹³ Databuja ati: "Nabyibajijeho nanjye ubwanjye igihe kirekire, ariko umunsi umwe ni bwo nabimenye. Hariya mu gihugu cye, ise ni umwami w'umuryango. Kandi n'ubwo ari umunyamahanga uri kure y'iwaba, aracyamenya ko ari umuhungu w'umwami kandi yitwara nka we." Niba ari byo. . . Niba umunyafurika kavukire yashoboraga kumenya ko se ari umwami, kandi hano umunyamahanga mu gihugu kidasanzwe ashobora kumenya ko hakurya y'inyanja ari umuhungu w'umwami, ni gute abagore n'abagabo bagomba kwitwara mu gihe ari abahungu n'abakobwa b'Imana? Kora nkabo. Ni ukuri. Mwitware; musukure kandi mukore nk'abahungu n'abakobwa b'Imana. Ntimutinye, imibereho iyo ari yo yose.

¹¹⁴ Hano turi. Yewe, Marita muto, ngwino wiruka. Yasaga nkaho afite i—inzira yo kugira icyo avuga kurwanya Yesu. "Kuki utaje kwa musaza wanjye? Reba ibyo twagukoreye Wowe, nuko Uratwihorera." Ni byiza, iyaba yaravuze atyo, inkuru ntiyari kurangira nk'uko byagenze. Oya, mugenzi. Ni uburyo wegera impano ya Kimana. Niba Imana yohereje impano, ugomba kuyegera neza. Niba hari igihe utegereje kubona ikintu icyo ari cyo cyose, ugomba kukigeraho neza. Marita arabimenya. Ashobora kuba yarasonye ku byerekeye Umushunamitekazi n'uruhinja rwe. Na we. . . Niba uriya Mushunamitekazi yari azi ko Imana iri muri Eliya, ni inshuro zingahe Yari kuba muri Yesu? Ni byo.

¹¹⁵ Noneho, yazamutse afite imigambi myiza. Ariruka, yikubita imbere y'ibirenge Bye. Ndabikunze! Yikubita imbere y'ibirenge bye, ati: "Mwami. . ." Ngiyo inyito Ye nyayo. Ni cyo yari cyo. Yari

Umwami we. “Mwami, iyo Uza kuba uri hano, musaza wanjye ntabwo yari gupfa.”

116 Yoo, mbega! Yoo, natekerezaga gusa kubona umutima We mwiza ubwo yarebaga uriya mugore mwiza, amarira atemba ku matama ye. Ati: “Mwami, iyo uza kuba uri hano, musaza wanjye ntabwo yari gupfa.” Reba ibyo yavuze. “Ariko na n’ubu, Mwami, n’ubwo yapfuye, n’ubwo inyo z’uruhu zitondagira mu mubiri we, n’ubu, Mwami, icyo Usabye Imana cyose, Imana irakiguha.”

117 Yoo, iryo ni ryo banga. Ushobora kuvuga uti: “Naciye muri buri bitaro. Muganga aravuga ngo ngiye gupfa, ariko n’ubu, Mwami. . . Namugajwe na rubagimpande; Sinshobora kugenda, ariko na n’ubu, Mwami. . .”

118 Ako kana gato kari gafite amazi *yari* yuzuye mu mutwe mw’ijoro ryahise. Ntacyo ushobora gukora. Yashoboraga gukwirakwira agaturitsa umutwe we muto hanyuma bigapfa, “Ariko na n’ubu, Mwami. . .” Aracyari ya Mana imwe. Aracyari wa Mwami umwe. “Ndetse n’ubu, Mwami. . .” Kandi Yicaye iburyo bw’Imana Ishoborabyose, gukora ubwinginzi ku bintu tuvuga ko Yadukoreye.

119 Ubu, ndumva rwose ndi umwizera. Ni byo rwose. Ugiye kunyita uwera wivuruguta uko abonye, ushobora gutangira, ukabishyiraho iherezo.

120 Rero, yego, mugenzi, “N’ubu, Mwami, icyo wasaba cyose, Imana izagikora.”

121 “Baza Data ikintu cyose mw’Izina Ryanjye, nzagikora,” Ni ko Yesu yavuze.

122 “N’ubu, Mwami, icyo Usaba cyose, Imana irakiguha.” Yoo, ibyo bigomba kuba byinjije mu mutima We ukomeye.

123 Yaravuze ati: “Musaza wawe azongera kubaho.”

124 Yaravuze ati: “Yego, Mwami. Azabaho. Yari umuhungu mwiza. Azavamo mw’izuka rusange ku muni w’imperuka.” Abayahudi bo bizeraga izuka rusange. “Azazuka mw’izuka ry’iminsi y’imperuka.”

125 Mumurebe We. Yashyise Ibye hamwe na hamwe. Yaravuze at: “Ndi Muzuko n’Ubuzima.” Yoo, mbega. Nta muntu wigeze abivuga mbere. Nt n’uzigera abaho nyuma, uzashobora kubivuga. Ni We wenyine ushobora kubivuga. “Ndi Umuzuko n’Ubuzima,” ni ko Umwami yavuze. “Unyizera, nubwo yapfuye, ariko azabaho. Kandi umuntu wese uriho akizerera muri Njye ntazigera apfa. Ibi urabyizera?”

126 Yaravuze ati: “Yego, Mwami.” Yoo, yari azi ko hari ikintu kitegura kubaho. Kgomba kuba.

127 Iyo kwizera bivuye ku mutima utaryarya guhura n’Imana, igiciro cyabyo kikagendana nako nk’uko. Ikintu kigomba kubaho. Abanteze amatwi mbahaye umukoro muri iri joro,

mw'Zina rya Yesu Kristo, reka kwizera kwawe guhuze n'Imana gutyo, mu minota mike tuzagira indi Penekositi. Hazabaho ikiruhuko cy'ububyutse muri uyu mujyi, hagomba kuba abapolisi bahagije mu gihugu kugirango bakirinde. Ni byo. Hazabaho ububyutse nyabwo. "Ndetse n'ubu, Mwami. . ."

128 "Ni byiza, Mwami, twarangije kuva kuri *ibi*; twakoze *ibi*, dukora na *biriya*." Sinitaye ku byo wakoze, "Ndetse n'ubu, Mwami. . ." Arindiriyeye ko We umuhamagara. We. . . "Ibi urabyizera?" Ni byo. Yego mugenzi. "N'ubu, icyo wamusaba cyose. . ."

129 "Wamushyize he?" Noneho, amanuka mu mva. Yari umuntu bihagije ku buryo yarira; Yari Imana bihagije ku buryo yazura abapfuye.

130 Hano hashize igihe, umugore uri mumatsinda runaka yabantu. . . Ntabwo nigerira ngira akamenyero ko kubikora ku byerekeye amadini. Ariko uyu mugore. . . Ntibizeraga ko Yesu yari Imana. Bavugaga ko Yari umuhanuzi gusa. Noneho, yari. . . Niba Yari umuhanuzi gusa, twese turi mu byaha. Yari Imana, nta kintu kirenze Imana, cyangwa umubeshyi ukomeye isi yigeze igira. Ni byo. Yari arengeje kuba umuntu. Yavuze ati: "Ntiyari Imana."

131 Hariho benshi muri bo muri iyi vanjili mbonezamubano uyu munsu; bagerageza guhindura Yesu Kristo umuhanuzi. Kubera iki, yari Imana y'abahanuzi. Ni ukuri Ni ko yari ari.

132 Yaravuze ati: "Nzabikwereka na Bibiliya yawe, 'Yari umuntu gusa.'"

133 Naravuze nti: "Bikore."

134 Na we ati: "Igihe yajyaga mu mva ya Lazaro, Bibiliya iravugaga iti: 'Yararize.' Yagombaga kuba umuntu upfa atari ibyo ntiyagombaga kurira."

135 Naravuze nti: "Mugore, icyo ni icyanditswe cyawe?" Ntabwo nshaka kuvuga kugirirwa ubuntu hano ngo mvuge ibi, ariko nzakubwira ibyo namubwiye.

136 Yaravuze ati: "Ni byo."

137 Naravuze nti: "Ayo magambo afite intege nke kurenza umufa wakoze mu kiswe inkoko yicishijwe inzara." Naravuze nti: "Ni byo, wa—ntabwo wabonye ikintu kimwe cyo kwishingikirizaho."

138 Yaravuze, "Kubera iki, Yararize. Ibyo byerekanaga ko yari umuntu upfa."

139 Naravuze nti: "Yari umuntu upfa kandi udapfa. Yari Imana mu mubiri."

140 Yaravuze ati: "Yoo, ibyo ntacyo bivuze!"

141 Naravuze nti: "Yagiye ku mva arira. Ni byo rwose ku buryo buhagije, ariko mu gihe yikomezaga muri we buhoro. . ." Bibiliya iravugaga iti: "Ntabwo byari bihagije kureba kuri We; nta

bwiza twashoboraga kwifuza kuri We.” Ariko igihe yabateraga ibitugu akavuga ati: “Lazaro, sohoka,” n’umuntu wari umaze iminsi ine apfuye akaborera mu mva, arasohoka. Ntabwo yari umuntu. Nyereka umuntu ushobora kubikora. Byari ibiki? Kubora kwamenye Shebuja. Ubuzima bwamenye Umuremyi wabwo. Ikintu cyagombaga kubaho. Yaravuze n’umuntu wapfuye umaze iminsi ine mu mva, arazuka, ahagarara ku birenge bye, maze abaho. Haleluya! Iyo yari Imana mu Mwana Wayo. Yego mugenzi. Iyo yari Imana yimenyekanisha Ubwayo binyuze muri We, Umwana. Iyo yari Imana ivuga, ntabwo yari umuntu.

¹⁴² Yari umuntu igihe yarebaga hirya no hino kuri cya giti wa muni ashakisha icyo yarya. Uwo yari umuntu. Ariko igihe yafataga imigati itanu n’amafi abiri akagaburira ibihumbi bitanu, uwo yari arenze kuba umuntu. Iyo yari Imana yabagabuririyeho. Ntabwo yari umuhanuzi, yari arenze kuba umuntu, Yari Imana-Muntu. Ni byo.

¹⁴³ Yaryamye inyuma y’ubwo bwato buto muri iryo joro, inyanja iratontoma kandi yiyubika nk’umufuniko w’icupa uri aho muri icyo nyanja ikomeye, gihe amadayimoni ibihumbi icumi yo mu nyanja yarahiriye kuzamuroha muri iryo joro. Yari umuntu, umunyanteye nke kandi unaniwe no gusengera abarwayi, aryama aho; n’umuyaga ntiwigeze umuhungabanya. Yari umuntu igihe yari asinziriye, ariko amaze kubyuka, ashyira ikirenge cye ku nguni y’ubwato, yubuye amaso, aravuga ati: “Tuza, humura,” umuyaga n’imiraba biramwumvira, uwo yari arengeje kuba umuntu. Iyo yari Imana mu muntu, yimenyekanisha. Ni byo.

¹⁴⁴ Yari umuntu kumusaraba igihe yatakambaga asaba imbabazi. Igihe yariraga yatakaga avuga ati: “Mfite inyota,” uwo yari umuntu. Igihe yapfaga, yari umuntu, ariko mu gitondo cya Pasika ubwo yamenaga ibimenyetso by’urupfu, ikuzimu, n’imva, maze akongera akazuka, Yari arengeje kuba umuntu: Imana yarigaragaje. Ibyo umusizi yavuze ntibitangaje ati:

Kubaho, Yarankunze; gupfa, Yarankijije;
Yahambye, Yatwaye ibyaha byanjye kure;
Azuka, Yaratsindishirije mu bwisanzure
ubuziraherezo:
Umunsi umwe Azaza—yoo, umunsi
w’icyubahiro!

¹⁴⁵ Yaravuze ati: “Kubera ko Ndiho, namwe muriho. Murabyizera?” Uko yari ejo, n’uyu muni ni ko ari, n’iteka ryose. Murabyizera? Nizera ko Umwuka Wera ari hano muri iki gihe. Namwe murabyizera? Nizera ko Azatwuzuzura Ukugaragara Kwe. Namwe murabyizera? Nizera ko Umwuka Wera ashaka gushyira Ukugaragara Kwe hanze, gukiza abarwayi bose, reka abantu bose batahawe Umwuka Wera buzuzwe. Ibi murabyizera?

Murizera n'umutima wanyu wose? Reka duhagarare ku birenge byacu maze tumuhereze amashimwe. Nizera ko ubu agiye kumanuka hagati yacu.

¹⁴⁶ Mwami Mana, Umuremyi w'amajuru n'isi, Umwanditsi w'Ubuzima bw'Iteka, Utanga impano nziza zose, twi "Turabyizeye," Mwami. Twizera ko Uri hano mu materaniro. Twizera ko uwo ari Wowe uha umugisha ubugingo bwacu. Twizera ko ari Wowe udusukaho Umwuka Wawe. Twizera ko Wari ejo, ari ko uri uyu muni, n'iteka ryose. Twizera ko uri muzima ibihe byose kandi amazina yacu yanditse mu Gitabo cy'Ubuzima cy'Umwana w'intama. Ijuru n'isi byose bizashira, ariko tuzabaho iteka, kuko uriho iteka ryose. Mwami, Warabidusezeranije. Turabyizera n'umutima wacu wose. Ibintu byose biri muri twe, turabyizera, Mwami. Ndamukunda, ndamukunda.

¹⁴⁷ Uramwizera? Nizera ko uwo ari Umwuka Wera. Hariho Ikintu kitumanukiye. Murabyizera? Nizera ko ashaka gukiza abantu bose nonaha. Murabyizera? Zamura ibiganza byawe kuri We. Haguruka ku birenge byawe. Urabyizera? Umwuka Wera ari hano. Uyu ni Wo! Petero yaravuze ati: "Uyu ni Wo." Uyu ni Umwuka Wera.

¹⁴⁸ Yoo Mwami, Umuremyi w'ijuru n'isi, ohereza imbaraga Zawe, n'Imigisha yawe, n'ineza yawe kuri aba bantu, kandi uhe umugisha imitima yabo, maze ureke babone ko Umwana w'umuntu ari muzima ubuziraherezo. Byemere, Mwami. Turabakweretse, mw'Izina rya Yesu Kristo, Umwana w'Imana.

¹⁴⁹ Umuntu wese adafite Umwuka Wera, azamure ibiganza bye kandi uhimbaze Imana. Nizera ko Azabamanukira. Umuntu abarambikaho ibiganza. Iki ni cyo gihe. Kuki dutegereza ikindi gihe? Iki ni cyo gihe. Iki ni cyo gihe cya Pentekositi, kugaruka ku Mana. Kiranuka n'Imana, Pentekositi! Reka umutima wawe ukangurwe n'imbaraga z'Imana nzima. Reka Umwuka We aze muri wowe, yuzuze ubugingo bwawe. Ari hano ijoro ku rindi joro, hano gukiza abarwayi, guhumura impumyi, kubw'imbaraga zikomeye kandi zishobora byose Yerekana Ubwe ko ari uko yahoze. Haleluya!

¹⁵⁰ Mumushime. Zamura ibiganza byawe. Wibagiwe aho uri; menya gusa ko uri hafi Ye, n'ineza Ye, n'icyubahiro Cy, n'imbaraga Ze, n'imbabazi Ze bihoraho iteka. Ahoraho iteka ryose. Hahirwa Izina ry'Umwami. Haleluya! Yoo, shima Izina Rye Ryera.

¹⁵¹ Yoo, mbega ukuntu ari mwiza, ukuntu afite imbaraga. Ni bangahe bashaka kwegurira Imana ubuzima bwabo nonaha, umubiri? Zamura ikiganza cyawe. Ni bangahe bashaka kwegurira Imana ubuzima bwabo? Ni byo. Zamura ikiganza cyawe. Reka turebe Abapenekositi. Reka turebe ubwoko bw'Imana. Ndazamura ikiganza cyanjye. "Mwami, ndi hano.

Ntuma.” Fata Umumalayika noneho hamwe n’amakara yo ku gicaniro hanyuma utwoherereze imbaraga Zawe, Mwami. Mana, tanga byuzuye Umwuka wawe, Yoo Data. Umva amasengesho yacu, Yoo Mwami. Umva amasengesho yacu, nk’abana bizera bahagaze hano. Nihasingizwe Izina Rye.

¹⁵² Yoo, nk’umuraba w’icyubahiro ugwa, yewe, ikime gitonyanga cy’imbabazi. Yoo, ishimwe ni iry’Imana. Ubugingo bwacu butegereze. Murabyizere? Murabyizera? Uyu ni Umwuka Wera umanutse. Izi ni zo mbaraga zitagaragara zituyobora mu Bwami bw’Imana, imigisha ya Penekositi. Garuka mu rugo. Uteganijwe gusubira mu rugo. Muri abantu b’agaciro. Imana ishaka ko wiyeza. Bagore, nimwisukure. Bagabo, nimwisukure. Reka dutangire dusubire ku Mana kandi dukorere Imana n’umutima usukuye.

¹⁵³ Imana ishimwe, Umwuka Wera ari muuri iki cyumba. Gusa kora ibyo wumva uyobowe gukora. Reka reka Umwuka Wera akugenderere. Ntacyo navuga. Gusa sinzi icyo navuga ubu. Umwuka Wera ari hejuru y’iyi nyubako. Izina ry’Umwami rihimbazwe. Nihasingizwe Uhoraho. Yoo, haleluya! Haleluya! Nihasingizwe Uhoraho. Himbaza Uhoraho. Ni byiza, mbega icyubahiro. . . Mbega ukuntu ari byiza, mbega uburyo bwiza bwo guhimbaza kw’abera b’Imana mu maso yawe, imbere y’Umwuka Wera hano agendagenda akatwerekana icyubahiro cye muri rubanda nyamwinshi icyarimwe, basingiza Izina Rye.

¹⁵⁴ Hindukirira iburyo hanyuma uhane ibiganza n’umuntu, vuga uti: “Himbaza Uwiteka, mwene Data. Himbaza Uwiteka, mushiki wanjye.” Reka twinjire kandi tureke Imana idutere imbaraga. Himbaza Uhoraho. Ni byo. Mwebwe Abametodisite, n’Ababatisita, na Peresibiteriyeni, Abapenekositi, n’Abadivantisiti b’umunsi wa Karindwi, kandi icyo muri cyo cyose, muhane ibiganza umwe ku wundi Imbere y’Uwiteka Imana. Ni byo. Yoo, haleluya! Haleluya! Haleluya! Yoo, ndishimye cyane kuba ndi umwe muri bo. Ndishimye cyane. Yoo, gusenya inkuta, kujugunya imyanda. Icyubahiro! Umudendezo mu Mwami, dusingiza Izina Rye ryera. . . Hahirwa Izina rya ry’Uhoraho. Yoo, haleluya! Imana ishimwe.

¹⁵⁵ Yoo, nkunda kubona gusa: abantu bahana aibiganza kandi barabagirana mu maso. Imbaraga z’Imana zivuga ziti: “Ni byo. Ni byo, turi abana b’Imana. Twese turi itorero rimwe rikomeye, umuntu ukomeye muri Kristo Yesu, Umugeni We, Nyiricyubahiro.” Ukuza k’Uwiteka kuregereje. Abantu be baterana kandi bakundana. . . n’urukundo n’imbaraga zo Kugaragara Kwe. Yoo, ibi bimeze nk’Ijuru. Yoo, ibi ni byiza. Amina. Yoo, mbega icyubahiro, mbega byiza: gusenga Umwami gusa mu Mwuka no mu mbaraga. Igihe nk’iki. (Ibyo byagombaga guhagarara; turatangira.)

¹⁵⁶ Hano nta. . . Nabwiye abavandimwe nti: “Bavandimwe, nta

hantu ho guhagarara.” Nta hantu na hamwe hano. . . Ntabwo twigera dutangira, ntabwo rero duhagarara. Gusa—gusa ni byiza. . . Ni bangahe bumva ari byiza koko? Ukugaragara k’Umwami, yoo, mbega, ni byiza, Ukugaragara k’Umwami hano.


¹⁵⁷ Noneho, Ukugaragara k’Umwami kuri hano gukiza abarwayi, gukiza abantu. Gusa mumwizere. Uramwizera? Niba dushobora kumwizera, byose birashoboka. Murabyizera? Mwizera ko ibyo ari Ukugaragara k’Umwami?

¹⁵⁸ Noneho, mu gihe wowe. . . Mpa akanya gato, akanya gato, hanyuma wumve akanya gato. Reka nkwereke ko ari Umwuka Wera hano. Reka nkwereke ko Umwuka Wera, Ari nawe uriya uvuga, Uriya ukora ibintu, ibyo arabizi. Ni bangahe hano, binjiye hano barwaye? Garagaza ibiganza byawe. Abafite uburwayi. . . Hariho abantu. . .

¹⁵⁹ Hano hari umugabo uhagaze. Urizera, mugenzi? Nta makarita yo gusengerwa hanze, ariko wemera ko Imana ishobora kugukiza? Urizera ko Ishobora kumbwira ibibazo byawe? Ni mu ruhande rwawe. Urenda kubagwa. Ni byo. Witwa Bwana. Cartwright. Ni byo. Ni byo? Zamura ikiganza cyawe. Byose ni byo. Genda mu rugo kandi umererwe neza, ntuzabikenera. Urabyizera?

¹⁶⁰ Uwo mugabo ufashe uriya mwana mu maboko, uranyizera ko ndi umugaragu w’Imana? Wizera ko uyu ari Umwuka Wera? Sinkuzi, ni byo? Ntabwo nigeze nkubona mu buzima bwanjye; ntituziranye. Wizera ko Umwuka Wera ashobora kumbwira ikibazo cy’uwo mwana? Kurwara. Ni byo. Ntabwo ari byo? Ni byo rwose. Nturi uwa hano. Oya. Ufite ikibazo cyo munda, urababara, wowe ubwawe. Ni byo, si byo? Ukomoka mu mujyi wa Kansas. Byose ni byo. Garuka, Yesu Kristo aragukijije. Haleluya! Urizera. Urabyizera n’umutima wawe wose?

¹⁶¹ Dore Umumarayika wa Nyagasani, yazengurutse kuri bike—umugore muto w’igituba, ushaje neza, uhagaze neza hano, ubabara kubera hernia. Wizera ko Imana izagukiza iyo hernia, mushiki wanjye? Wowe, hamwe nururabyo ruto rutukura ku ngofero yawe, uzamura ukuboko. Byose. Genda murugo kandi umeze neza. Amina. Yoo, ni Imana; ni Kristo Umwana w’Imana. Yazutse mu bapfuye. Ari hano.

¹⁶² Noneho, murambike ibiganza byanyu bamwe ku bandi maze muhane ibihe byiza by’amasengesho, buri wese muri mwe, mu gihe nsabye umuntu kuza hano. Ngwino hano, mwene Data. Mu gihe muhanye ibiganza umwe ku wundi usaba Imana ngo na we imukize, nanjye mfashe mwene Data hano ngo na we muture isengesho. (Komeza inzira. Byose ni byiza.) Nihasingizwe Uwiteka Imana. 

60-0402 Mbese Ibi Urabyizeye?
Inzu ya Komini
Tulusa, Okarahoma Leta Zunze Ubumwe za Amerika

KINYARWANDA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Gushinganisha Igihangano

Uburenganzira bwose burashinganye, iki gitabo gishobora gucapirwa mu rugo ku muntu ushaka kugikoresha ku giti cye nta kiguzi, akagikoresha nk'icyo kwifashisha mu rwego rw'ivugabutumwa rya Yesu Kristo. Iki gitabo ntibyemewe kukigurisha cyangwa kugicapa ugasohora umubare munini, ntibyemewe kugishyira ku rubuga, ntibyemewe kukibika mu buryo bw'ikoranabuhanga, kugihindura mu rundi rurimi, cyangwa kugikoresha ugamije kubona inkunga, udafite uruhushya rwanditse rutangwa na Voice Of God Recordings®.

Ku bindi bisobanuro cyangwa ushaka gusaba ibindi bitabo wabariza kuri aderesi ikurikira:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org